

江蘇府縣志輯

中國地方志集成

重修揚州府志（一）

# 中國地方志集成

江蘇府縣志輯 ④1

嘉慶重修揚州府志（一）

江蘇古籍出版社 ● 上海書店 ● 巴蜀書社

責任編輯 薛飛  
封面設計 范一辛

中國地方志集成

江蘇府縣志輯④①

出版 江蘇古籍出版社

(南京中央路一六五號)

印刷 上海市印刷七廠

發行 新華書店

定價 上海發行所  
一五七元

1991年6月第1版 1991年6月第1次印刷

ISBN 7-80519-255-3 / K·135

重修揚州府志序

志乘者史家之支流所以紀形勝詳戶版攷風俗之盛衰究民生之利病至於節義文章皆將登采以爲激勸其有關於政教甚鉅況維揚東南大都會文獻之徵固尤不可闕哉嘉慶戊辰歲余恭奉

簡命視鹺兩淮至則求郡志讀之蓋自雍正壬子

重修以後至此幾八十年仰惟

重修揚州志

序

高宗純皇帝御宇久長往年數舉

時巡盛典既六經

駐蹕於此而我

皇上自親政以來無歲不以運道河渠上厯

宵旰茲皆闕而未書非所以示後世也余因又攷

荆吳建藩始於漢代晉宋而降遂稱雄州以

地利言之則襟帶淮泗鎖鑰吳越自荆襄而

東下屹爲巨鎮漕艘貢篚歲至京師者必於

此焉是達鹽筴之利邦賦攸賴若其人文之盛尤史不絕書我

國家教澤涵濡淪肌浹髓亦旣士盡敦書人知砥行此而不備紀之則故老不存遺文散軼非此邦之一憾乎曩儀徵阮芸臺撫部方讀禮歸偕伊墨卿太守謀輯廣陵圖經屬藁未就而太守以憂去撫部尋亦還

朝繼至者爲石門吳比部復不能久其任三年

重修揚州志

序

二

之中守令數易茲事遂亦中輟余以爲典章所寄久且就湮雖曰職在有司凡莅斯土者皆與有過也余旣承乏是邦敢不以此爲兢兢爰乃延禮通人咨訪故實就舊志所存譌者訂之闕者補之其續有采輯大率以圖經爲本蓋始事於己巳正月至明年四月告成剗剗之費余並任焉凡爲類二十有八爲卷七十有二此邦文獻於是乎略備他日備

國史采擇庶有藉乎昔雍正時博陵尹少宰官

兩淮都轉實興踵修之役余不才忝繼其後

知我者必不以余爲越俎也已

嘉慶十五年庚午夏四月

欽命內務府護軍統領兼管三山事務督理兩淮

鹽政長白阿克當阿書於廣陵公署

重修揚州府志

序

三

重修揚州府志序

揚州之有志也自入

本朝以來凡四修雍正癸丑之役博陵尹少宰會一以都  
轉攝府事實董其成迄今蓋八十載以我

朝政教翔洽休問四垂蟠木月蝓之遠猶且岬然向風蒸

蒸日上何況淮南大都爲

兩聖豫游之地乎東南三大政曰漕曰鹽曰河廣陵本鹽筴要

區北距河淮乃轉輸之咽喉實兼三者之難其視江南

北他郡尤雄劇八十年中

列聖之憲章

重修揚州府志

德序

一

兩朝之奎翰以迄政治之經科舉之數人才之盛因革之宜不

知凡幾有宜亟爲哀舉而修明之者也余以丙寅歲奉

特簡都轉兩淮越二年 巡鹽使者厚菴阿公至止政成多

暇日以興文學廢爲亟增講舍之餽設孝廉之課所以

嘉惠士林者至再三顧見舊志久廢不修歉然於中累

商於余及前太守張君世浣今太守嵩君年遂延通儒

蒐逸乘廣徵博采凡十閱月而書成夫作志之道與作

史異褒貶予奪一秉大公以爲天下後世龜鑑此史氏

之體裁也舉山川形勢之要臚風俗人物之盛去短錄

長彰善隱惡此志家之流別也舊志凡二十八門茲志

亦釐爲二十有八首列

巡幸仰見

本朝

時巡盛典與夏諺周頌比隆非盛唐縱陽所能彷彿舊志河渠與水利各立專門撰述與藝文分爲二志今皆合之仿大事記益以事略六卷而後攷古者可以釐然在目較舊志所增入幾再倍之蔚然巨觀微公之力曷克如是之成且速哉

嘉慶十五年歲在庚午仲夏朔日

欽命兩淮都轉鹽運使司鹽運使加五級紀錄十次德慶序

重揚州府志

德序

二

重修揚州府志序

今上御極之十有三年世浣奉

命移守揚州莅任伊始聞都人士嘖嘖然謀所以修郡乘者

蓋七十餘年之掌故至此而一新也時則 嵯使阿公

主持風雅慨然引爲己任延通儒選勝地於十有四年

二月啟局編纂世浣幸斯役之遂舉雖未克盡思慮搜

見聞佐秉筆諸賢之百一念公以直指使者尙垂意

邦國之文獻況在守土之吏敢不敬率寮案上圖籍以

資采輯今年四月書成世浣已被議去官貧累未遂歸

計因得受而讀焉而嘆地志之未易言也夫志之爲言

重揚州府志

張序

一

記也記其地記其事記其人而并記其文其大凡也顧地之所在如山川疆域史乘具載雖沿革不同記載無異惟夫事之載在正史者傳聞異辭百家傳記益多舛錯人則私家譜牒及見於他說者品評未爲可據文則積案盈箱累牘不能悉蒙竊以爲其事可存則存之其人可存則存之其文可存則存之斬足以備攷鑒而已惟揚郡號富庶地當衝要粵稽荆吳肇封以迄平有明之季當天下無事之時功臣名將靖國奠民者不乏及運丁陽九則仗節赴義自縉紳韋布以及巾幗尤震耀乎千古至若宦遊之賢挺生之喆或以功名顯或以學

業著留遺愛於甘棠表疾風之勁草立言期不朽薰德可善良間氣所鍾磊落相望又自西京以降文教聿興廣川發其蒙泉昭明蔚爲後勁剛道論德之文釋經攷史之學典利除弊之奏議模都範京之篇章輝煌乎四庫彪炳乎七畧作者如林指難勝僂司編纂者非具史家三長則求賅備既患冗長求簡貴又患漏畧故曰難也夫稽合同異貴乎學之博折衷去取貴乎識之精能博且精然後攷覈也詳而酌裁也當且志也而具紀傳之體又在乎文章兼勝焉今讀是編事皆徵信而非存譌人皆攷實而非虛美文皆有用而非浮華前志之誤

重修揚州府志

張序

二

者正之缺者補之又增數十年之近事披圖按籍可以識政治之要覽風俗之宜披昔賢之緒文仰前修之芳躅吏治民風從此蒸蒸日上豈不懿哉然則公之是舉豈獨都人士之慶抑亦官斯土者所欣然樂觀厥成也已

嘉慶十五年夏四月前揚州府知府湘潭張世浣撰

重修揚州府志序

巡鹽御史厚菴阿公以戊辰歲來治廣陵越明年親舊志漫漶不修者歲已久乃檄前太守湘潭張君世浣率八屬之牧尹謹簿籍蒐逸事以備采擇未幾張君以事去余繼之而終其事自己巳之仲春迄庚午之孟夏續修之書成余以守斯土者例得綴言于簡末謹案尙書禹貢曰淮海惟揚州疆域甚廣踰五嶺外皆是漢以後之揚州或治金陵或治壽春亦未嘗在廣陵至唐始以廣陵爲揚州其地北距淮東至海頗與禹貢合舊屬州縣九

重修揚州府志

嵩序

一

國朝升通州爲直隸州而析江都爲甘泉爲屬凡七至乾隆三十三年以泰州之境濱海寥闊又分東臺場以爲縣實八屬則舊志所未有也夫廣陵居南北之衝負淮帶江而襟海東南之財賦倚爲重輕恭逢

兩聖豫游光華紉纓而我

皇上軫念江淮於河漕鹽諸大政時厘

睿謨鉅細悉綜

經畫以故憲章法守之大聲名文物之盛非他郡邑得與之抗顧自康熙以至雍正七十餘年中志凡四修自雍正之癸丑以迄於今又八十年矣舉凡建置損益行誼文

章科目戶版固有月益而歲增者於今日而議所以修輯之其事更難其工更鉅乃公以一人任之延訪纂定皆得其人費省而功多力少而成速曾不逾年修纂與剞劂之工同時並畢其經費皆公捐廉爲之不費守若令一縉一粟推公此心以及於政何事不修何廢不舉哉余與八屬之吏民共幸其成因記修志之難惟公不以爲難而克底於成之故爲之序

嘉慶十五年歲次庚午仲夏月

特授中憲大夫知揚州府事加三級紀錄四次蘇完嵩

年序

重修揚州府志

嵩序

二

揚州府志原序

侍御象岡胡公觀風之暇嘗閱趙大夫所爲惟揚志惜其未究遂可郡侯雙橋朱君請檄於都運李君邦表判府虞君介侯君璽節推吳君道南暨州牧縣令黎君堯勲谷君嶠輩各以私乘上之而屬儀輯焉儀弗獲辭勉率譽髦分區授簡採摭校讐凡七閱月而志成乃拜手颺言曰昔孔子言夏殷之禮而有文獻不足徵之歎吾揚襟江帶海自昔稱雄入國朝爲首善畿輔聲名文物郁乎盛矣志而不備嗣世何觀不穀不文穆膺重託薄取諸家之載述與耳目所覩記割裁於凡例折衷於高

重修揚州府志

原序

一

明論次軼事爲嘉靖惟揚志竊比乘樗枳之義後之君子或亦徵文獻於什一乎抑志者匪他也三才之道也天地貞觀古今揆一污隆興替存乎其人矧揚尤東南要會所宜綢繆而保障者儀僭忠告於有位有翼嗣今循良倣古而敷化虎臣慕義而折衝俊傑趾美而流芳羣黎嚮風而敏德是謂輔贊兩儀會歸皇極庶永翰翼翼之神京斯志不顯亦世已是舉也運同白君濬同府王君杏爲監修若府庠鄭教授衷通州歐陽學正瑜高郵州王學正治定遠王敘諭建中府庠王訓導兆縣庠黃訓導鳳彩舉人張架校生周龍施錫王孚嘉蘭恕

尹瑜栗鏗劉培楊守誠張電紀文光殷三聘湯元貞高第儒士張金同事編摩皆遴簡以充而典史劉光則司供給者也法得備書嘉靖壬寅歲秋九月望日賜進士出身亞中大夫太僕寺卿致仕郡人盛儀書

古有小史以紀邦國猶今之郡縣志也國家熙洽二百餘年所在郡國固不乏志而况惟揚東南一大都會內阻江海之險南引荆襄吳越北控青徐而西護陵寢至要劇至繁重也其山川形勢政教文物鑒往轍而炳瀟戒關係豈淺眇者而志惡可已也萬厯戊戌不佞洵叨守是邦索所爲郡志者不可得久之得士人藏本讀之

重修揚州志

原序

二

則世廟時所輯者六十年於此矣刻既散落事復殘缺輒思紹明世以俟來者會上方大權天下江淮若沸郡冗劇倍於往時無遑及也間以語司理徐君則慨然自任於是檢故實參邑乘聘諸賢者分曹授簡稍稍更其篇目凡爲圖一爲志十有二爲卷廿有七簡帙頗省於舊而當世之故燦然備焉蓋竊嘗論之廣陵之勝始自隋唐五季以還殘燬畧盡後雖稍葺之不及什一然興創不同沿革互異而風氣漸靡則大略相似故郡縣城池有志沮洳之鄉賈贏而農訓卽額賦苦莫能支而況朘削日甚攘奪公行乃司計者猶復一切求多欲安所

歸命乎故賦役有志淮南堤堰相屬前代厯爲漕計今內虞陵而外憂民計不獨爲漕顧議者不務導黃以安淮而反欲疏淮以縱黃害將有不忍言者故河渠有志名勝之地常若與豪傑相待漢晉以來歷茲土者多一時名賢而倣儔之士近代亦復不乏斯嚮往所宜殷者故秩官有志兩淮鹽課當天下漕粟之直國家仰給甚厚而奈何沸而揚之濁而淆之自爲屑越乎假令課損而餉絀恐憂不獨在九邊也故鹽法有志四會五達之衢天下必爭之地瀕海剽悍將乘釁而內潰是虞島夷猶外懼耳收攬駕馭爲緩急用則存乎人故兵防有志

重修揚州志

原序

三

江海之氣勃鬱蓄積鬱爲人文故鄉之耆碩於今爲烈左氏所謂死而不亾者入其境自可想見其人故人物有志揚州畫江爲界非復禹貢所稱齒毛羽革走自四方江珍海錯則地產焉至歲時謠俗風土淳澆卒難以齊一故風物有志大業間罄物力以侈游觀而唐復置重鎮於此故惟揚勝蹟海內無不艷稱之然轉盼之間蕩爲墟莽豈非千古炯戒故古蹟有志自列國以降史冊所載淮南事可歷數也而災祲獨劇總之江海爲崇居多亦澤國之勢然也故歷代有志及災異有紀法乘羽客流寓何常而揚爲東南奧區尤多託跡其間彼其

修證不同固未嘗數數然於世者亦安可輕訾也故方  
外有志文章經國大業不朽盛事由漢唐迄今董相枚  
叔而後作者不乏豈不盡關風教而擷英萃芳固所不  
遺故以文苑志終焉嗟夫所爲志者以紀其地之所有  
爲一郡實錄已耳乃揚之地橫亘跨連據江海之勝以  
爲阨塞而又囊括綆引總四方之利以爲灌輸其於國  
家則所謂門戶咽喉也夫門戶所以爲固咽喉所以爲  
命其非厘厘一郡所有明甚將務撫之猶恐其擾務靖  
之猶恐其亂而況於擾之亂之乎今上偶過爲國計而  
聽計權使不虞乘是者之能爲擾且亂也於揚尤甚焉

重修揚州志

原序

四

豈門戶咽喉之弗恤乎此當事者所爲凜凜懼已志既  
成帙會徐君內遷以去乃自途次編輯以遺不佞不佞  
雖稍爲刪潤大抵皆徐君所更定也徐君博識雅詞有  
雋才其所論次足以觀徐君第收於散逸之後往往苦  
無考據於古或不能什伍而近亦厘什七蓋上下千餘  
年間廣袤直數百里網羅補苴若斯之難也雖然及今  
不一掇拾後之難且什伯此者是以不辭掛漏勿任湮  
沒以俟夫閱覽博物者得以增節焉庶辛丑歲秋七  
月之吉賜進士出身中憲大夫知直隸揚州府事東魯  
楊洵書

古者天子五年一巡狩於歲之四仲會諸侯於方岳是  
時爰令太史陳詩市司納價齊其律度量衡諮其耆老  
疾苦於以周知九土之務而勤恤乎民懋哉何道之隆  
歟今遙遙如聽遠音矣蓋後世時邁不歌省方之役以  
簡書畀諸直指使者使者按部所至一如東岱西華南  
衡北恆之典之重山川之圖籍於是乎獻焉戶口之登  
耗於是乎咨焉田畝之蕪治於是乎省焉財賦之會計  
於是乎覈焉吏治之失得於是乎察焉風氣之貞淫於  
是乎辨焉錦輿繡壤中星嶽靈異鬱鬱蒸蒸挺爲人士  
則前英後詰光史耀冊者於是乎訪之廬造之膝焉險

重修揚州志

原序

五

隘要害之處藩籬牧圉周防設禦用備不虞則營壘伍  
卒基置星布者於是乎御戎服討軍實焉至於館閣文  
章之彥鄉枚鮑庾之徒或以玉佩瓊琚倬明河漢或以  
吉光片羽輝媚澤山一時發爲文藻千世照人顏色凡  
有嘉言雅什亦於是乎收之資入告採之潤金石焉至  
於天性之所激盪風教之所鼓動會有奇節異烈足以  
廉頑夫立懦夫者炳然日月爭光傑然天壤不敝又於  
是乎旌厥閭表厥墓焉他若垂弓和矢摩挲古色堯邱  
禹穴碑碣猶存荒墟蔓草間聽其漶滅亦缺事也鏡古  
者或一過而問焉諸如此類小之一邑大之一郡莫不

羣雁而筆之於志以昭傳信以示來茲至重典也舉郡國之重典而任其散落無考湮沒失傳致後禩徵文考獻之家蒐獵掌故蓬飛煙斷臨文悼嗟嗚呼此不爲官茲土者之責而誰責歟元不佞自三韓起家叨守惟揚郡自庚子以迄

今聖御極之三年數易寒暑日夕糾虔惟惴惴以不克副二千

石是懼公餘退食愴然念茲延袤數百里地襟江帶海包絡吳楚通道甌粵前古號稱名區近亦不改都會又愴然念茲數百里地中所爲城郭溝池守得以問濬築其所爲丁男租賦守得以問盈縮其所爲官方士俗

重修揚州志

原序

六

守得以問善敗其所爲跼伏幽人綢繆陰雨守得以問虛實其所爲宦於土而名成產於鄉而行立守得以問組豆其所爲名山有業登高有賦守得以問臧否其所爲志士陷胸孝子刲股烈婦靡他守得以問闡揚其所爲遺址舊物若滅若沒守得以問存失不佞守也奈何俾冊府掌故殘缺不登僅僅畱一綫哉前人有言曰郡之有志猶國之有史也國不史不國郡不志不郡茲繼惟揚舊志而因摭摭之蓋篇殘簡斷者什九僅存者什一改玉改步不無烽燹他書祖龍尚鮮關繫因考府志一編自前朝成化纂修而後垂六十餘年而一修之嘉

靖由嘉靖又越六十年癸卯再修之萬曆時主其政者太守楊公洵也由萬曆歷

今上甲子再周干支適與往合黎棗氣運會當鼎新所未可知

但爲時久遠兼丁改物則夫今昔異同之文編載未及之事或不能一二端舉也爰移檄十屬長併致劄於十屬之司鐸俾延集其地之矜士諳典故者臚列其六十年沿革建置美蹟芳風種種未綴志書者後先以郵筒報至不佞給筆札以屬之郡儒生一二人俾令仍其舊款增以來緒自賦役鹽筴兵防官制欽遵

本朝功令更訂入志外其別款雖有添注無大益損是以

重修揚州志

原序

七

僅閱數月而書成悉新之剞劂異日直指巡方觀風問俗據是帙以報

天子璽書之命其尚有完書哉然是役也十屬長德憑而贊成

之諸學博督矜士搜羅而編輯之不佞元不敢有其功至茲編之條流粗舉採綴未周以評休文者致刺譏焉請以俟之博雅君子康熙甲辰歲八月之吉中憲大夫知江南揚州府事三韓雷應元撰

禹貢揚州包有東南數千里之封域而今揚州之治或爲廣陵南兖州或爲吳州或爲邗州刺史之所治或在壽春其以揚名郡始於隋開皇間而揚之有志自唐曹

憲始迨後歷代增損沿革不同自明初以及萬厯辛丑則四經修葺矣迄今六十餘年

本朝甲辰歲前守遠左雷公應元復剏修之然其間地理譌缺人物年代乖舛踳駁者殆十之三四蓋相承以然余自汝移守斯土甫下車亟欲是正之僅期量移金陵以去倉卒不得就然晷役也經

聖天子允輔臣條請部檄天下郡邑至嚴且切余忝爲吏而不能及時載筆以獻以副

朝廷拳拳加惠海內之意懼未盡守土者之職且自奉

簡書視郵南北所經過諸澤國淮河合流瀟湖汎漲流民

重修揚州志

原序

八

載途荒殘萬狀所以時蓄洩慎隄防固必有說以處此豈可以一去而輒止也舟車之暇朱墨點乙經歷寒暑書成彙爲四十卷將以上之天府供採擇焉余竊攷班氏地里志其言曰凡民畜五常之性而其剛柔緩急音聲不同係水土之風氣故謂之風好惡取舍動靜以常隨君上之情欲故謂之俗聖王在上必移其本而易其末故廣述文翁鄭宏諸賢守令之治化下及司馬相如嚴遵揚雄大人處士之遺風所以漸濡其人民而變化其耳目者誠係於其人而不在乎書之有無也然使得其人而因以修明賢君相之法度以一道德而同風俗

則是書者所以廣見聞備損益也顧不重哉余蒞揚修

學校治河防集流亡禁略賣一切斥弊興利之政將次

第施行獨視事日淺於心有所未盡猶私幸此書之成

可以垂諸將來俾後之來治茲土者披卷而鏡觀百世

以上不下堂而洞知千里之外卽吾民之蒙其澤無以

異於吾之身爲之也故吾去揚日久不獲與揚之父老

子弟旦夕聚首未能一日忘於心而其精神時與吾民

相往來者將藉是書以無窮也已昔康熙十四年乙卯

嘉平上浣整飭江南江蘇松常鎮淮揚七府徐州一州

驛傳鹽法道按察使司副使加二級前知揚州府府事

重修揚州志

原序

九

金鎮書於金陵郵署之生隱堂

郡邑之有志也猶方輿之史也其人物臧否猶史之世

家列傳其山川形勝雲物機祥猶史之天官河渠其物

產土宜風俗好尚猶史之平準貨殖而人文之盛衰制

度之興革廢沿猶禮樂儒林藝文諸書其事歷千百年

其文閱古今制作之林亦綦重大已然史之成也一定

而不移志之作也隨時而更定文有妍媸之別事有真

贗之殊要視乎主持之人以爲可否歷代之史自馬遷

班范而後僅推歐陽永叔豈非文以人貴人以文傳相

濟而成盛美也哉吾揚之有志也較他郡邑尤難六朝

烟景之地五方雜處塵土俠猾之鄉輪蹄輻輳廬舍則繡錯綺紛市肆則肩摩轂擊風尚易爲移易習俗時有變遷志之不容不亟修也而亦非可易言也惟其人而能可修惟其文而後能修苟非其人非其文以憑私挾臆之胸陳腐浮泛之筆冒濫勝任點污全璧可勝浩歎哉長其金公士林僑勝藝苑宗工天下望之推爲景卿守吾揚僅一載撫蒼黔如父母培士氣若師保振衰起弊救患扶危龔黃召杜不是過焉會

功令有修志之舉公毅然興起攷據前猷參稽後籍芟其繁蕪彙其典要凡人物之貞愚形勝之沿革制度之廢

重修揚州志

原序

十

興存真去偽崇實黜浮遂成一代典制文章經濟萃美一人真與歐陽永叔相伯仲焉吾揚何幸而遇斯人爲斯文之領袖哉書成之日問序於予時予濫竽拔垣不及襄此盛舉切幸人傳而其文傳文傳而其地傳其地與人物俱傳予得竊附以聲施不朽焉故不揣迂疎而漫爲之序

賜進士出身通議大夫吏科給事中三品李宗孔拜撰國有史郡有志重矣攷一代治亂興革君臣庶事臧否得失使後世有所觀法視乎史問一郡山川人物風俗險塞美惡戶籍生齒之稠繁禽獸草木水土之產畜使

治此者瞭然而來游者得所止則視乎志統天下之志上之天子付之太史採擇而書之卽以成一代之史所繫於國家何如也興王在上必得著作之臣取勝國之史而修之近或百年遠或數百年而後成賢有司爲郡暇取郡邑之書稽覈攷證之刪其蕪而增其新事取其信文法乎古大抵數十年而一易蓋史不可以間作而志則不可以不修顧修之亦不易宦遊商估滿天下稽之戶口無一丁在籍者寥寥田野之窮民其人死已久而名猶隸於籍謂天下之戶口可信乎供賦徭役載於經制者不行於井里定於司計者變亂於奸胥守令之

重修揚州志

原序

十一

能者粗窺其大綱而不能者憤憤終而已忠孝節烈名宦寓賢隱淪才藝之士攷之往古不世出而今家龍比而戶曾閔老而寡者以節書貴而不必德者以賢祀鄱辭惡札繁縟連篇人物藝文至於今何獨盛也凡以執筆其間者不過取舊集而繕錄之妄有所增益數月而集成署其端曰某年某官修要名而已耳以是爲修何可以爲志曲沃少師衛公引疾久矣

今上思其賢欲倚爲治安車蒲輪起於家

召對命言天下事無隱公條列數事以修一統志爲急

上曰可詔督撫下郡縣於是天下始知志爲國家之所重如此

言者又疏請修志禁私派務得人使可傳信

朝廷並下其議則修志於今日烏可以苟焉爲也方是時山陰金公知揚州甫蒞事卽以志下詢余請博採於公獨斷以信不可參於人公搜前志得故明萬厯中鄉大夫盛公儀所修及近代諸本又下令九邑各以所輯新舊志進合以

本朝因革文獻之徵驗彙爲書未成會公擢副憲督視江蘇八郡郵政嵯法輪軒之暇精搜嚴剔必信必文逾年而書成以示余曰志初謀於子今幸竣事子其序終始焉余以非才遙謝者再公屢書促不倦恐辱公命夫志

重修揚州志

原序

三

史事也況奉

天子命將達於

御所頒之史館取信於天下後世敢不慎公固賢者治揚僅一載視民寬和若慈母又好文愛士遠近歸之去而士民思之不忘古所稱仁者也仁者之言必不誣則其爲志不可信哉不可信哉

賜進士出身內閣誥勅中書舍人汪懋麟頓首拜撰

揚郡有志舊矣其修於

本朝者甲辰則三韓雷公應元乙卯則山陰金公鎮亦既州次部居條例詳明矣

今上御極之二十有二載癸亥特命儒臣彙志成典凡該省纂

輯通志以獻制府下郡守以前志未備檄郡邑補其缺畧上之而蒲吾崔公華實董其事屬草甫定會公擢兩淮鹽運使以行歲乙丑余承乏茲土復奉憲檄發梓因得訂其脫誤正其訛舛藉手以告成焉志成因書其簡端曰夫志古史之流也古者擇人道王志事以告邦國小史掌邦國之志以獻於王小行人用行天下輯成五物之書而藏之內府是以

天子不出廊廟而周知天下之務誠鉅典也第史家之於志也

恒難之文中子曰史之失自遷固始紀繁而志寡以陳

重修揚州志

原序

三

壽之紀三國而不敢志以歐陽之傳五代而不言志郡之有志詎易言哉世不無升降俗不無污隆政不無得失名宦徵於去官鄉賢定於身後比類而書足爲鑒戒可不也則吾懼其妄傳言失旨圖形爾雅不行攷索或限於耳目藝文無當於獻徵詳慎而書之或以闕疑可也不則吾慮其誣雖然善善欲長惡惡欲短吾取其可風者而已所聞異詞所傳聞異詞吾取其從同者而已蓋前此具有成書茲則或續之或補之如掌故之籍甲乙之簿以備一郡之故實俾以攷源流而鏡得失焉則斯志也其庶幾乎而余更有感焉揚之爲郡也地衝事

繁其爲俗也外腴而中瘠今夫車轂擊人肩摩攘者生齒之衆也果其家給而人足耶駕高軒拖大紳者統袴之胄也果其金相而玉質耶自陽侯之波虐而霑體塗足之農不安於畝畝自城關之刺興而方領矩步之士不出於官牆自豪強之兼并俠猾之抵調而出作入息之小民鮮得有仰父俯子之樂業余自下車以來凜乎其難馭也恤乎其恐失也則觀斯志也覩疆圉之翼翼何以固金湯撫戶口之林林何以圖保障民賦之節縮者幾何而疾苦或墜於上聞也士風之培植者幾何而禮讓庶漸以成俗也

重修揚州府志

原序

古

翠華巡幸南國欲民俗之歸厚非守土之責乎重臣經理河渠

需徵發之以時非長吏之事乎則凡事關利害政當損益者皆所熟計而審處者也寧僅以摩挲卷帙優游筆牘已耶故於斯志之修也一篇之中三致意焉上以副

聖天子宵衣求治之意下以慰吾父老扶杖觀化之心以附於

周官擇人小史之義敢曰具文而已哉是爲序時康熙

乙丑歲八月朔日中憲大夫知江南揚州府事浮山張

萬壽書於廣陵公署

郡邑之有志與國史相爲表裏史若網之在綱而志爲

其目目必具綱迺得而舉我

朝德化涵濡敷天哀對

上命儒臣纂一統志以儲國史

詔天下省會各修通志上之而臺省大臣檄郡邑新舊志悉充

采輯典綦重矣維揚南北要區帶海襟江舊隸九屬稱

劇郡

天子念其幅員孔長析通州分轄如皋泰興二邑揚之屬裁爲

六又以江都隸郡郭地衝事劇尤號繁難設甘泉一邑

分治之而揚之屬復離而七蓋自惟王體國經野設官

分職載在周官而我

皇睿慮精詳肅吏治厚民生量地制宜超軼前古會一承

重修揚州府志

原序

五

命襄陽移守斯土自顧非才叨歷銓曹兩膺大郡

帝心簡在報稱維艱蒞任之初正修通志之日披圖按籍州邑

分疆販章非舊釐剔宜新揚志之修是在刺史爰輯鄉

先生設局分編朝咨夕考屬草未就復膺

寵命擢司饒使而治所在郡中俾得藉手成書付之剞劂抑亦

使臣之幸矣竊聞修史之難無過於志夫史有紀有表

有傳有志而邦國之志自昔通名曰志夫志識也志其

時志其事三才之道備焉故識不可以不多寡則陋識

不可以不謹夸則誣此志之所爲難也使守揚以來

上凜

天威下求民莫蓋嘗綜而論之江儀五方錯處士多俊偉俗尚

輕揚其間鹽筴起家意氣豪舉罔恤拂經高寶濱河士  
攻文藝民苦沮洳興泰尤澤國頻年水潦仰資賑恤終  
鮮蓋藏儒雅之風桀黠之習所在多有守斯土者善者  
因之其次利導之又其次整齊之竊有志焉而未之逮  
邇今以當官之務託文獻之徵志其地則思道與地宜  
志其時則思政因時立志其事則思人以事傳後之來  
者統理人倫移風易俗一之虛中和胥將于志焉是取  
掌故云乎哉使者又聞之馬遷撰記質而不俚班固作  
書贍而不穢古稱良史故在其文兼勝焉然文中子不  
重修揚州府志

原序

六

云乎史之失自遷固始記繁而志寡故辭尚體要韓退  
之有言春秋謹嚴左氏浮夸君子博聞彊識於立言也  
惟謹網羅攬撫手出白黑失在矯誣爲陋滋甚此管蠡  
之測識所嘗是正於鄉先生者竊願以一郡之志上之  
臺省可參信史頒之州邑可作政書仰惟

聖人在上一道德同風俗是書儼列承流宣化之中鄉先生有

道而文蓋邦國之光也已顧獨慙使者以固陋之胸司  
轉運之職國計之盈虛商民之利病終日持籌不能壹  
思慮廣見聞以佐鄉先生之偶所闕遺此則耿耿中宵  
不自釋者也  
癸丑秋七月

賜進士出身中議大夫兩淮都轉運鹽使司運使仍攝江  
南揚州府府事加七級紀錄一次博陵尹會一撰

重修揚州府志

原序

七

重修揚州府志

凡例

揚州風號名區

聖祖仁皇帝

高宗純皇帝

翠華時巡疊經

臨幸黃童白叟忭舞康衢故特增輯巡幸以冠簡首

一揚州歷代統隸分合多寡各有不同今纂輯各門總以現在疆域爲準如天長六合泰興如皋之類今既不隸揚州槩不復入

揚州府志

凡例

一

一舊志攷訂沿革如隋以前所稱揚州皆非廣陵雍正志實勝前遠甚然尙有沿襲失攷者茲皆詳細釐定一舊志采錄正雜各史雖注明出某書及覆校原文則臆改甚多茲所修輯但有刪節而無妄添惟官階太冗者稍用約文仍注明原書卷目以備覆攷至各家文集其稱謂與志例不符不得不改從畫一亦有史無專傳散見他傳者亦畫一書之仍注明事見某集某傳其有各書互見事迹小異及舛誤須攷正者皆照三國補注之例雙行分載各條下又舊志所有面其人其事皆無攷者俱從其舊

一秩官自當全載但統轄之員惟取其駐劄揚州者載入餘不錄丞簿而下舊多缺畧今皆據各州縣志補載至武秩舊志失載今無從攷故亦不錄

一宦蹟皆載其政績之施於此土者然紀載有詳畧履任有久暫故有德望素著而行事偶軼編纂又斷不容遺漏不得不僅次官階時代以存其人

一志書與史例不同史則賢否並書志專錄其善者其或德未純備而事可節取者亦採擇書之

一揚州地濱江淮高興寶泰諸邑尤稱澤國凡節宣疏導一一皆仰

導一一皆仰

揚州府志

凡例

二

廟謨茲故詳載

諭旨並前後臣工謀畫使境內人民皆知惠利所由普被焉

一揚州當南北之衝秦漢以後事蹟較多故特輯事畧

一志

一宦蹟人物皆以已往爲斷如現在者勲名學業槩未可量當俟異日論定至人物各門其編纂體例悉依舊志

一列女一門無從去取舊志所載節婦較畧茲據各志中全數錄出擇其有奇行者詳載始末餘則僅敘厓畧以省繁冗至時代先後多無稽考仍依各州縣分